

تورک یوردی

①

ناشری : تورک یوردی .
مدیری : آق چوره اوغلی یوسف .

۲۰ ایلول ۱۳۲۸

۱ ییل

صافی ۲۳

برقونفهدہ راسیون عقد ابتدیلر، روسیہ، طبیی بو آریلانلری حمایہ ایتدی .
شورش و فساد آرتدقجه آرتدی . نہایت روسیہ بروسیلہ بولوب، لہستانہ عسکرینی
مسوقدی . بونک اوزرینہ ایکنجی تقسیم (۱۷۹۳) وجوق کچمہ دن اوچنجی
تقسیم (۱۷۹۵) اجرا ایدیلوب لہستانک وجودی، اوروباخریطہ سندن سیلندی...

سیاسیات

تورکلر بر روح ملی آرایورلر

۲

(باشی ۲۱ نجی صاییدہ)

بو آندن اعتباراً اتحاد اسلام فکری رغبت عامیہ مظهر اولدی . اساساً
سلطان عبدالحمید درکہ افکری میدانہ چیقارمشدی ؛ عبدالحمیدک خفی ایلچیلری،
کنیش اسلام عالمک ہر طرفندہ بویوک امیدلر اویاندرمشدی . بوتون موحدلر،
جناب پیغمبر نامنہ برلشہ جک، رصین بر کتلہ وحدت تشکیل ایدہ جکلردی .
غریک اصوللری، اسلام جمعیتہ اویغون کلیوردی . بوندن باشقہ،
اسلام عنصری عدداً حاکم اولان برسلطنتہ، خرسیتیانلق دائمًا خصم قالا جقدی .
خرستیان عالمک دوستلغہ کووہ نیلہ مزدی . یکی حیات اکتساب ایتیش تورکیہ یہ،
اولاً اوروپا حکومتلرینک اصول وقواعدی تطبیق اولنق ایستہ نلش ایدی ؛
حتی صافدل تورکلر، عالمشمول فران ماسونلغہ بیلہ باش اورمشلردی ؛
فران ماسونلغی بین الملل حریتک، مساعده کارلنک وعدالتک صاغلام بر دستکی
ظن ایدہ رک، سلانیک احتلال قومیتہ سنی اونک کولکھسی آلتندہ تأسیس
ایلہ مشلردی [۱] . بوتون مدنی دنیاہ یاییلمش قارہ رشلر، عثمانلی منافعنک
حکومتلر ومبعوثان مجلسلری یانندہ حرارتلی مدافعلری اولہ جقدی . لکن
بونندہ انکسار خیالہ اوغرا دیلر . امید اولونان معاونت کورولمدی . لوجہلر،

[۱] موسیو ب . ریزال ک سوزلرینی عیناً ترجمہ ایتدم ؛ فقط دیدکلرینک طوغری

اولوب اولمادیعی بیلیمورم . — مترجم .

کندی طریقتهلرینک دار و کوچوک منفعتلرینی دوشونمداکاری زمان بيله، منسوب اولدقلری ملتلك منافعتدن اوتەبی کوره میورلردی . يك زیاده حسن نیت صاحبی اولسه لر بيله ، ماصون لوجه لرینک ائندن چوق شی کله مزیدی . چونسه لوجه ترك قوتی ، حقیقی دکل ، آلدادیجی بر قوتدی . دیپلوماتلره کانجه ، اولئر تورکیه شهر و کوبیلیرینی طولدیران بکله نلديک نمایشلردن اولجه شاشیروب قالش ایدیه لرده ، صوکره بك چابوق کندیلیرینی طویلامشیر و ینعمایه حاضر لائمشلردی . دیپلوماتلرك خیر خواهلغنه اینانمق عادتا دلیلکدی .

بو حالده سلامت ، آنجق اقوام اسلامیه لك تعاون و تناسرنده بولنه بيله جکدی . ایمپراطورلق داخنده صمیمی منفعتلر ، خارجنده قوی دوستلر تدارکنه یکانه واسطه او اوله بیلیردی . متحد خریستیانلغه مقابل ، جهانك ۲۵۰ میلیون مسلمانی چیقار بيله جقدی . دینه قارشى دین ، قوته قارشى قوت قونیه جقدی . بوتون عالم اسلامه حکم ایدن اسرار انکیز طرق علیه مشایخنه استناد اولنه جقدی . بونکچون فکر تعقیب ، بر آز انتظام ، و برده سلطان و خلیفه یعنی ایمپراطور و بابا اولان عثمانلیر حکمداری نامه مامرانه توزیع اولونمش معاونت نقدیه کفایت ایده جکدی . صوکره نه عظیم ، نه قوی بر یار دیمجی قازانیلمش بولنه جقدی ؛ علی کمال بك دییورکه « اسلام ، اك مکمل بر واسطه توحیددر . اراده لری آزر ، ملتلیری قالدیروب برلشدیریر ، و اوزر لرندن مساواتچیلغك آغیر تسویه آلتی کچیریر . » [۱] بو دینك مؤمنلری ، یالکیز مسلمان اولمق اوزرده دوشور و حرکت ایدرلر . دین و ملت بر برینه قاریشمش ، یکدیگرینی اورتمشدر . آیین دینی ، عالم اسلامده بوتون موجودیتی استیلا ایتمش ، بلع ایتمشدر ؛ هر مؤمن آیین دینی غایت اعتنا و دقتله هر کون مکرراً ایفایه مجبوردر . دین محمدی ، ظهورندن بری زیر تابعیتنه آلدینی اقوامك بوتون حیات سیاسیة ، اجتماعیه و فکرلرینه حاکم مطلقدر .

[۱] علی کمال بکک بویه بر سوزینه راست کلدیکم یوق . آنجق « اوچ طرز سیاست » ک آق چوره اوغلی یوسف امضالی مقاله سنده بوکا بکزر بر جمله واردر : « اسلام قوتلی بر دکر مندرکه اجناس و ادیان مختلفه منسوبیننی اوکودوب ، دیناً ، جنساً بر ، عینی حقوق مالک ، یکدیگرندن هیچ بر فرقسز مسلمانلر چیقاریر . » فقط موسی الیهده بونی کندیلکندن یازما یوب ، متوفی اناطول لور و ابولودن اقتباس ایلهمشدر . — مترجم .

قرآن کریم ، کتاب اللہ در . مؤمن ایچون کتاب اللہ هرشیدر . قرآن ، دولتک قانون اساسیسی اولدینی کبی حیات یومیه نکه ده رهبر حرکتیدر . بوتون شریعت اسلامیه نکه یکانه منبعی اوبویوک کتابدر . مسلمان ، کندیسنی نبی بشرک اک ممتازی عدايدر . اسلامک فلسفه سی بسیط اولدینی قدر صحیحدر . معبود ، آنجیق اللہدر . سماوات و آرضی او خلق ایتدی . قضا و قدر اونک حکم ازیلسیدر . او ، رب اعظمدر . حکمتدن سؤال اولونماز ؛ اراده سبحانیه سنه دیل اوزاتیلماز . تسلیم نفس ، اطاعت کامله ، ایشته مسلمانک وظیفه سی . مسلمان وظیفه سی حقيله بیلیر و اعتراضی قابل اولمایان تفوق اخلاقیسنک سببی ده بودر . بوجهتله ، سویسج وصیقتی زمانلرنده دائما « الحمد لله ، مسلمانم » دیر و اخروی سعادتندن امیندر .

(بیتمدی)

مؤلفی : پ . ربزال

مترجمی : ت . ی

انتقاد و تقریبه

فئوره و فلسفه و فلسفه ساجده لری [۱] . — اوروپالیلردن تیموریول کوپریسی و هواده اوچق ماکنه سی یامه یی اوکرنلم اما ، آوروپالیلرجه دوشونک اصولنی زنهار تعلیم ایتیهلم ، مذهبنه بنم بردرلو عقل ابرمن . تسیلین و بلدیویه چراق اولق ایستیورسه ق ، مطلقا قانت وقونته ده شا کردی اولق مجبوریتنده یز . آوروپا افکارینی ، آوروپا فنون و فلسفه سی تورکجه منزه ، برپارچه آکلایارق نقاه اوغراشانلر ، مع التأسف پک آزددر . بو آزلر ایچنده هیچ شبهه یوق که مهم موقعلردن برینی دوقتور عبده جودت طوتار . تورکلره شکسپیری ، شیللیری ، آلفیهری بی ، بوختیری ، لوبونی ، بوتمی بی آرزچوق طاینتان دوقتور اولدی . یکرمنجی عصر ابتداسنک تورک کنجلیکی عبدالله جودتک بوخدمتی اونوتیه جقددر .

[۱] مؤلفی : دوقتور عبدالله جودت بک . — طابع و ناشری : « اجتهاد » مطبعه سی . —

۳ نجی طبع . — ۱۵۶ صحیفه . — فیاتی ۳ غروش . — استانبول ، ۱۳۲۸